

***Tarikh Dibaca: 05 Februari 2016***

# **KHUTBAH JUMAAT**

***Tajuk:***

***“TABAYYUN”***

***\*\*\****

***Terbitan:***

***Unit Khutbah***

***Bahagian Pengurusan Masjid***

***JABATAN AGAMA ISLAM SELANGOR***



**SENARAI AHLI JAWATANKUASA KHUTBAH NEGERI SELANGOR  
2016**

- 1. SS. Dato' Haji Haris Bin Kasim (Pengerusi)**  
Pengarah Jabatan Agama Islam Selangor
- 2. Tuan Haji Ahmad Zaki Bin Arsad (Timbalan Pengerusi)**  
Timbalan Pengarah Jabatan Agama Islam Selangor
- 3. SS. Dr. Haji Anhar Bin Haji Opir (Ahli)**  
Timbalan Mufti, Jabatan Mufti Negeri Selangor
- 4. Tuan Haji Idris Bin Ramli (Setiausaha)**  
Ketua Penolong Pengarah, Bahagian Pengurusan Masjid, JAIS
- 5. Yg. Berbahagia Prof. Madya Dr. Osman Bin Sabran (Ahli)**
- 6. Tuan Haji Sianid Bin Mokim (Ahli)**
- 7. Tuan Haji Hamid Bin Md Isa (Ahli)**
- 8. Tuan Haji Md. Sahari Bin Abdullah (Ahli)**
- 9. Tuan Haji Abdul Halem Hapiz Bin Salihin (Ahli)**
- 10. Ustaz Muhammad Farhan Bin Wijaya (Ahli)**  
Imam Besar Masjid Sultan Salahuddin Abdul Aziz Shah
- 11. Ustaz Indera Shahril Bin Mohd Shahid (Ahli)**  
Majlis Agama Islam Selangor
- 12. Ustaz Hairol Azmi Bin Khairudin (Urusetia)**  
Penolong Pengarah Unit Khutbah, BPM, JAIS



## "TABAYYUN"

الْحَمْدُ لِلَّهِ الْقَائِلِ: يَا أَيُّهَا الَّذِينَ ءَامَنُوا إِن جَاءَكُمْ فَاسِقٌ  
بِنَبَأٍ فَتَبَيَّنُوا أَن تُصِيبُوا قَوْمًا بِجَهْلَةٍ فَتُصْبِحُوا عَلَىٰ مَا  
فَعَلْتُمْ نَادِمِينَ ﴿٦﴾

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ  
وَأَشْهَدُ أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ  
وَسَلِّمْ عَلَىٰ سَيِّدِنَا مُحَمَّدٍ وَعَلَىٰ آلِهِ وَأَصْحَابِهِ  
أَجْمَعِينَ. أَمَّا بَعْدُ، يَا أَيُّهَا الْمُسْلِمُونَ! اتَّقُوا اللَّهَ،  
أَوْصِيكُمْ وَإِيَّايَ بِتَقْوَى اللَّهِ فَقَدْ فَازَ الْمُتَّقُونَ. قَالَ  
اللَّهُ تَعَالَى: يَا أَيُّهَا الَّذِينَ ءَامَنُوا اتَّقُوا اللَّهَ حَقَّ تَقَاتِهِ  
وَلَا تَمُوتُنَّ إِلَّا وَأَنْتُمْ مُسْلِمُونَ.

**Sidang Jumaat yang dirahmati Allah sekalian,**

Saya berpesan kepada diri saya, dan kepada sekalian jemaah yang hadir hari ini, agar marilah sama-sama kita meningkatkan ketaqwaan kepada



Allah, dengan melaksanakan segala perintah-Nya dan meninggalkan larangan-Nya. Sesungguhnya takwa akan menjadi kayu ukur kedudukan kita semua di sisi Allah SWT nanti insya-Allah.

Khutbah kita pada minggu ini mengajak kita menghayati tajuk **"TABAYYUN"**.

### **Hadirin Jumaat sekalian,**

Tabayyun bermaksud proses seseorang untuk menyelidik, menyiasat dan mengkaji bagi mengesahkan sesuatu berita atau maklumat yang diterima daripada sumber yang pasti sebelum mengambil sesuatu tindakan atau membuat sesuatu keputusan sama ada ianya benar atau palsu.

Hukum tabayyun ini adalah wajib. Ia berdasarkan arahan Allah dalam ayat yang dibacakan pada awal khutbah tadi, daripada surah Al-Hujurat ayat 6 yang bermaksud;

*"Wahai orang-orang yang beriman! jika datang kepada kamu seorang fasik membawa sesuatu berita, maka selidikilah (untuk menentukan kebenarannya), supaya kamu tidak menimpakan sesuatu kaum dengan perkara yang tidak diingini - Dengan sebab kejahilan kamu (mengenainya) - sehingga menjadikan kamu menyesali apa yang kamu telah lakukan".*

### **Sidang hadirin sekalian,**

Merujuk kepada asbabunnuzul atau sebab turunnya ayat ini, Al-Imam Al-Wahidi menyatakan ayat ini diturunkan mengenai peristiwa Al-Walid bin 'Uqbah yang diperintahkan oleh Rasulullah SAW pergi mengutip sedekah atau zakat daripada Bani Mustoliq. Apabila hampir sampai ke perkampungan mereka, Al-Walid mendapati Bani Mustoliq sudah riuh rendah berkumpul di



pintu masuk kampung. Al-Walid yang tersalah anggap terhadap kaum tersebut berpatah balik ke Madinah dan melaporkan kepada Rasulullah SAW bahawa Bani Mustoliq enggan mengeluarkan sedekah dan sebaliknya mahu membunuhnya. Sebaik saja mendengar kata-kata Al-Walid, Baginda SAW terus mengarahkan agar qabilah tersebut diperangi. Namun datang pula rombongan Bani Mustoliq bertemu Baginda SAW dan memberitahu yang sebenarnya mereka bukannya berkumpul untuk membunuh Al-Walid, sebaliknya berkumpul dan menunggu kedatangan wakil daripada Rasulullah SAW untuk diserahkan sedekah ataupun zakat mereka.

Ayat 6 surah Al-Hujurat ini sebagai panduan kepada Baginda SAW, dan umat selepas Baginda, untuk memeriksa, menyelidik dan menyiasat setiap berita yang diterima sebelum mengambil apa-apa tindakan .

### **Sidang Jumaat yang dirahmati Allah sekalian,**

Sesungguhnya tindakan yang diambil selepas berlakunya proses tabayyun insya-Allah akan menjadi tepat dan tidak akan memudaratkan mana-mana pihak yang berkaitan. Apabila keadaan ini berlaku, maka masyarakat akan aman damai dan sentiasa bersangka baik antara satu sama lain yang menjadi intipati kemajuan dan kesejahteraan sesuatu ummah.

Begitulah juga sebaliknya. Jika proses tabayyun atau siasatan menyeluruh tidak dijalankan, maka sudah pasti tindakan susulan yang diambil tanpa usul periksa itu akan menghasilkan keburukan, ketidakadilan, pertelingkahan, perceraian, permusuhan, malah mungkin menyebabkan peperangan.



Sebagai contoh, berita yang dibawa oleh orang-orang munafik yang menghebohkan berita fitnah bahawa SAidatina Aisyah, Isteri Rasulullah SAW telah berlaku curang terhadap Rasulullah SAW. Begitu juga ibubapa yang terburu-buru menyerang sekolah, jika dahulu membawa parang, sekarang ini membawa peguam, atau membuat laporan polis, apabila anaknya memberitahu bahawa dia digantung sekolah tanpa alasan. Sedangkan si anak ini kaki samseng, pembuli dan kaki ponteng sudah berpuluh hari tidak hadir ke sekolah.

Selain itu juga, banyak lagi contoh dalam kehidupan kita seharian berkaitan hal-hal yang memerlukan tabayyun jika tidak dilakukan kesannya hingga mengakibatkan perpecahan hubungan suami isteri, permusuhan adik beradik dan sebagainya.

### **Sidang jumaat yang dimuliakan,**

Sejak akhir-akhir ini, terlalu banyak berita dan maklumat tidak benar tersebar terutamanya melalui internet dan telefon bimbit. Ada maklumat berupa fitnah, ada yang bersifat spekulasi atau andaian, ada yang sengaja dibuat-buat kononnya sebagai hiburan dan lawak semata-mata. Ada juga yang bersifat kecaman dan tuduhan melulu. Ada juga yang bermotifkan populariti, mahu jadi terkenal. Malah kita sendiri tidak boleh lari daripada terjebak sama dalam berita yang tidak pasti, sekurang-kurangnya sebagai penerima ataupun penyebar.

Namun yang penting apakah sikap kita apabila mendapat maklumat sebegini? Adakah kita akan mempercayainya terus tanpa usul periksa. Malah lebih teruk daripada itu, mungkin kita pula yang akan menyebarkannya kepada rakan-rakan yang lain, lantas menjadi ejen penyebar berita berita



sensasi, kononnya berbangga dengan status orang yang pertama mendapat maklumat dan berita.

Awaslah! Menyebarkan berita, maklumat tidak benar atau yang belum diselidiki tahap kesahihannya, jelas dilarang dalam ayat-ayat yang kita bincangkan ini. Perbuatan seperti ini boleh mengakibatkan kita menjadi golongan yang rosak akhlaknya.

### **Sidang jumaat yang dirahmati Allah,**

Bagi orang yang menyebarkan cerita mungkin berkata, "Saya hanya sebarkan saja. Berita itu bukan saya yang reka. Kalau betul, maka betullah, kalau palsu, bukan tanggungjawab saya". Ungkapan sedemikian adalah sikap yang tidak bertanggungjawab.

Sebenarnya, ada hadis yang melarang perbuatan menyebarkan semua perkara yang didengar ini. Orang seperti ini juga boleh dianggap jatuh dalam kumpulan atau kategori seorang penipu.

Ianya adalah hadis daripada Abu Hurairah RA bahawa Nabi SAW bersabda:

كَفَى بِالْمَرْءِ كَذِبًا أَنْ يُحَدِّثَ بِكُلِّ مَا سَمِعَ

"Cukuplah bagi seseorang itu mendapat dosa sekiranya dia menceritakan kembali semua yang didengarinya (tanpa tapisan)".

(Riwayat Muslim).

### **Sidang hadirin yang berbahagia,**



Mahukah kita dianggap penipu? Amat besar dosanya sebagai seorang penipu. Melakukan penipuan ini adalah salah satu daripada sifat orang-orang munafiq. Orang munafiq pula, tempatnya di neraka.

Hadis daripada Abu Hurairah RA bahawa Nabi SAW bersabda:

آيَةُ الْمُنَافِقِ ثَلَاثٌ: إِذَا حَدَّثَ كَذَبَ، وَإِذَا وَعَدَ أَخْلَفَ، وَإِذَا أُؤْتِمِنَ خَانَ

*"Tanda orang-orang munafiq itu ada tiga: apabila bercakap dia berdusta, apabila berjanji dia memungkirinya, apabila diberi amanah dia mengkhianatinya".*

*(Riwayat al-Bukhari).*

### **Sidang Jumaat yang dirahmati Allah sekalian,**

Sebagai pengajaran daripada khutbah hari ini, sama-samalah kita memberikan perhatian serius kepada perkara-perkara berikut:

1. Buatlah pencerahan terlebih dahulu terhadap berita-berita dan maklumat-maklumat yang kita terima dengan merujuk kepada sumbernya yang betul.
2. Berhati-hatilah dan jangan bertindak terburu-buru apabila mendapat maklumat atau aduan sehinggalah maklumat tersebut terbukti benar lagi sah.
3. Jangan sekali-kali kita mereka-reka cerita, ataupun menyebarkan berita yang belum dipastikan kesahihannya.





أَعُوذُ بِاللَّهِ مِنَ الشَّيْطَانِ الرَّجِيمِ  
وَلَا تَقْفُ مَا لَيْسَ لَكَ بِهِ عِلْمٌ إِنَّ السَّمْعَ وَالْبَصَرَ  
وَالْفُؤَادَ كُلُّ أُولَئِكَ كَانَ عَنْهُ مَسْئُولًا ﴿٣٦﴾

*"Dan janganlah engkau mengikut apa yang engkau tidak mempunyai pengetahuan mengenainya; Sesungguhnya pendengaran dan penglihatan serta hati, semua anggota-anggota itu tetap akan ditanya tentang apa yang dilakukannya".*

*(Surah al-Isra' : 36).*



بَارَكَ اللَّهُ لِي وَلَكُمْ بِالْقُرْآنِ الْعَظِيمِ، وَنَفَعَنِي  
وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ  
وَتَقَبَّلَ مِنِّي وَمِنْكُمْ تِلَاوَتَهُ، إِنَّهُ هُوَ السَّمِيعُ  
الْعَلِيمُ.

أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي  
وَلَكُمْ وَلِسَائِرِ الْمُسْلِمِينَ وَالْمُسْلِمَاتِ،  
فَاسْتَغْفِرُوهُ إِنَّهُ هُوَ الْغَفُورُ الرَّحِيمُ.



## KHUTBAH KEDUA

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا مِنَ  
الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ لَا  
شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ.  
اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ  
وَعَلَى آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى  
يَوْمِ الدِّينِ. أَمَّا بَعْدُ، فَيَا عِبَادَ اللَّهِ، اتَّقُوا اللَّهَ فَقَدْ  
فَازَ الْمُتَّقُونَ.

**Sidang Jumaat yang dirahmati Allah SWT,**

Mimbar Jumaat sekali lagi berpesan bahawa Islam mengajar umatnya supaya bersikap sederhana dalam segala amalan dan tindakan. Pada masa yang sama umat Islam disaran supaya menjauhi sebarang bentuk fahaman atau perbuatan ekstremis yang kesannya akan menjejaskan keharmonian, perpaduan, keselamatan ummah dan Negara. Tindakan ekstremis juga boleh memberikan tanggapan negatif terhadap kesucian dan kemuliaan agama Islam. Sebaliknya seluruh umat Islam amatlah dituntut agar menampilkan kemuliaan akhlak, sikap dan keperibadian tinggi sebagai muslim sejati agar



umum mengetahui bahawa Rasulullah SAW diutus dan Islam yang diperjuangkan adalah rahmat bagi seluruh umat dan sekalian alam.

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا  
الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا. اللَّهُمَّ  
صَلِّ وَسَلِّمْ عَلَى سَيِّدِ الْمُرْسَلِينَ وَارْضَ اللَّهُمَّ عَنْ  
أَصْحَابِهِ وَقَرَابَتِهِ وَأَزْوَاجِهِ وَذُرِّيَّاتِهِ أَجْمَعِينَ.  
اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ  
وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ، إِنَّكَ سَمِيعٌ  
قَرِيبٌ مُجِيبُ الدَّعَوَاتِ وَيَا قَاضِيَ الْحَاجَاتِ.  
اللَّهُمَّ إِنَّا نَسْأَلُكَ وَنَتَوَسَّلُ إِلَيْكَ بِنَبِيِّكَ الْأَمِينِ،  
وَنَسْأَلُكَ بِأَسْمَائِكَ الْحُسْنَى وَصِفَاتِكَ الْعُظْمَى  
أَنْ تَحْفَظَ بَعَيْنِ عِنَايَتِكَ الرَّبَّانِيَّةِ وَبِحِفْظِ وَقَايَتِكَ  
الصَّمَدَانِيَّةِ، جَلَالَةَ مَلِكِنَا الْمُعْظَمِ سُلْطَانَ



سَلَاغُور، سُلْطَانُ شَرَفُ الدِّينِ ادریس شاه  
الحاج ابن المرحوم سُلْطَانُ صَلَاحُ الدِّينِ عبد  
العزیز شاه الحاج. اَللّٰهُمَّ اَدِمِ الْعَوْنَ وَالْهُدَايَةَ  
وَالتَّوْفِيقَ، وَالصِّحَّةَ وَالسَّلَامَةَ مِنْكَ، لِوَلِيِّ عَهْدِ  
سَلَاغُور، تَعَكَوْ اَمِيرِ شَاهِ ابْنِ السُّلْطَانِ شَرَفُ  
الدِّينِ ادریس شاه الحاج فِيْ اَمْنٍ وَصَلَاحٍ وَعَافِيَةٍ  
بِمَنَّكَ وَكَرَمِكَ يَا ذَا الْجَلَالِ وَالْاِكْرَامِ. اَللّٰهُمَّ اَطْلِ  
عُمَرَهُمَا مُصْلِحِيْنَ لِلْمُوْظَفِيْنَ وَالرَّعِيَّةِ وَالْبِلَادِ،  
وَبَلِّغْ مَقَاصِدَهُمَا لِطَرِيقِ الْهُدٰى وَالرَّشَادِ.

Ya Allah, Engkaulah Tuhan yang Maha berkuasa, kami bersyukur kehadiran-Mu yang telah mengurniakan kami rahmat dan nikmat, sehingga kami dapat meneruskan usaha ke arah memperkukuhkan negara umat Islam khususnya negeri Selangor, sebagai negeri yang maju, sejahtera dan berkeadilan dibawah naungan dan pimpinan raja kami sebagai ketua agama Islam di negeri ini.



Justeru kami pohon kehadiran-Mu ya Allah, tetapkanlah iman kami, terimalah amalan kami, kukuhkanlah perpaduan kami, luaskanlah rezeki kami, kayakanlah kami dengan ilmu yang bermanfaat, suburkanlah jiwa kami dengan budi pekerti yang mulia, kembalikanlah kami ke jalan yang Engkau redhai, lindungilah kami daripada bala bencana dan ujian-Mu yang berat supaya dengan demikian, negeri kami akan sentiasa bertambah makmur dan berkat.

Ya Allah, kami pohon kehadiranmu, mantapkanlah pegangan kami menurut ajaran Ahli Sunnah Waljamaah dan peliharalah kami daripada amalan dan akidah yang menyeleweng dan sesat seperti fahaman Syiah, Qadyani serta lain-lain fahaman.

Ya Allah, bukannya hati kami untuk mendirikan solat fardhu lima waktu, menunaikan zakat dan kefarduan yang lain. Berkatilah hidup orang-orang yang melaksanakan zakat dan menyayangi fakir miskin serta mereka yang menginfakkan harta untuk Tabung Amanah Pembangunan Islam Selangor (TAPIS) dengan ganjaran pahala yang berkekalan hingga ke hari akhirat.

Demikian juga ya Allah, tambah dan luaskanlah rezeki orang yang mewakafkan hartanya, terimalah wakaf mereka dengan ganjaran pahala yang berkekalan hingga ke hari akhirat.

رَبَّنَا هَبْ لَنَا مِنْ أَزْوَاجِنَا وَذُرِّيَّتِنَا قُرَّةَ أَعْيُنٍ  
وَأَجْعَلْنَا لِلْمُتَّقِينَ إِمَامًا. رَبَّنَا ءَاتِنَا فِي الدُّنْيَا  
حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ عِبَادَ



اللَّهُ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي  
الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ وَالْبَغْيِ  
يَعِظُكُمْ لَعَلَّكُمْ تَذَكَّرُونَ ﴿٩﴾

فَاذْكُرُوا اللَّهَ الْعَظِيمَ يَذُكُرْكُمْ وَأَشْكُرُوهُ عَلَىٰ  
نِعْمِهِ يَزِدْكُمْ، وَأَسْأَلُوهُ مِنْ فَضْلِهِ يُعْطِكُمْ  
وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ.